

Samþykkt fyrir menningar-, íþrótt- og tómstundaráð Reykjavíkurborgar

Umboð

1. gr.

Menningar-, íþrótt- og tómstundaráð starfar í umboði borgarráðs með þeim hætti sem nánar er kveðið á um í samþykkt þessari, samþykkt um stjórn Reykjavíkurborgar og fundarskóp borgarstjórnar nr. 715/2013 með síðari breytingum, og eftir því sem lög mæla fyrir um.

Verksvið

2. gr.

Menningar-, íþrótt- og tómstundaráð skal móta stefnu í menningar-, íþrótt- og tómstundamálum, taka ákvarðanir og geri tillögur til borgarráðs hvað varðar verksvið þess. Jafnframt hefur ráðið eftirlit með rekstri íþrótt- og tómstundasviðs og menningar- og ferðamálasviðs og að samþykktum og stefnumörkun Reykjavíkurborgar á verksviði ráðsins sé fylgt. Þá fer ráðið með önnur þau verkefni sem borgarráð ákveður.

Íþrótt- og tómstundasvið og menningar- og ferðamálasvið annast framkvæmd stefnu og verkefna ráðsins og samskipti við aðrar stofnanir borgarinnar.

3. gr.

Menningar-, íþrótt- og tómstundaráð fer m.a. með eftirtalin verkefni á sviði menningar-, íþrótt- og tómstundamála:

1. Vinnur að eflingu íþrótt- og tómstundastarfs og hollrar tómstundaiðju almennings í Reykjavík og hefur samvinnu við þá aðila sem um slík mál fjalla.
2. Hefur eftirlit með rekstri mannvirkja á sviði íþrótt- og tómstundamála sem eru í eigu Reykjavíkurborgar eða Reykjavíkurborg hefur veitt styrk til, s.s. sundstaða, íþróttamannvirkja og menningarstofnana.
3. Gerir tillögur til borgarráðs að gerð og staðsetningu nýrra mannvirkja til íþrótt- og tómstundastarfs ásamt tillögum um rekstur þeirra eftir því sem við á.
4. Vinnur að nýsköpunar- og þróunarstarfi á sviði íþrótt- og tómstundamála, s.s. heilsubótarverkefnum, og sér til þess að til séu sem gleggstar upplýsingar um íþrótt- og tómstundamál og þá þjónustu sem í boði er.
6. Fer með málefni Fjölskyldu- og húsdýragarðsins, Nauthólsvíkur – ylstrandar, Sigluness og skíðasvæða.
8. Vinnur að upplýsinga-, menningar- og tómstundastarfi fyrir ungt fólk m.a. með rekstri Hins Hússins.
9. Vinnur að atvinnumálum ungs fólks í Reykjavík.
10. Hefur eftirlit með framkvæmd laga og reglugerða á sviði íþrótt- og tómstundamála, að því marki sem lögin leggja skyldur á herðar sveitarfélaga.
11. Fylgist með því að starfsstaðir á vegum íþrótt- og tómstundasviðs og menningar- og ferðamálasviðs fari að settum reglum, veiti góða þjónustu og starfsemi þeirra sé skilvirk og hagkvæm.

12. Hefur eftirlit með rekstri og gerir tillögur til borgarráðs um stefnumörkun eftirtalinna stofnana: Borgarbókasafns Reykjavíkur, Borgarsögusafns Reykjavíkur og Listasafns Reykjavíkur.
13. Hefur eftirlit með framkvæmd starfssamninga Reykjavíkurborgar við lykilaðila í menningar- og listalífi borgarinnar, s.s. Leikfélag Reykjavíkur, Sinfóníuhljómsveit Íslands og Listahátíð í Reykjavík og gerir tillögur til borgarráðs þar um.
14. Vinnur að eflingu menningarstarfsemi í Reykjavík í samræmi við menningarstefnu borgarinnar með því m.a. að virkja menningarstofnanir borgarinnar, örva listræna sköpun og gefa almenningi tækifæri til að njóta listar og menningar.
15. Veitir styrki til menningarstarfs í borginni og umsagnir um menningartengd erindi að beiðni borgarráðs, skipar í dómnefnd um bókmenntaverðlaun Tómasar Guðmundssonar og barnabókaverðlaun Guðrúnar Helgadóttur og útnefnir borgarlistamann Reykjavíkur.
16. Fer með málefni menningarstarfs, menningarminja og minjavörslu og hefur frumkvæði að og tekur þátt í að móta stefnu um húsvernd og fornleifavernd.
17. Fylgist með söfnun örnefna, útgáfu örnefnaskrár og merkingu fornleifa og náttúruminja, sem Borgarsögusafn Reykjavíkur annast.
18. Gerir tillögu til borgarráðs um staðsetningu hvers konar myndverka á almannafæri að fenginni umsögn Listasafns Reykjavíkur og skipulags- og samgönguráðs.
19. Skipar í verkefnisstjórnir borgarhátíða sem haldnar eru á vegum menningar- og ferðamálasviðs, s.s. Vetrarhátíðar í Reykjavík, Barnamenningarhátíðar, hátíðarhalda á 17. júní og Menningarnætur í miðborginni að fenginni tillögu sviðsstjóra.
20. Gerir tillögur til borgarráðs um menningarstefnu og íþróttastefnu Reykjavíkurborgar.

Menningar-, íþrótt- og tómstundaráð fer jafnframt með hlutverk stjórnar Borgarbókasafns Reykjavíkur skv. bókasafnalögum nr. 150/2012, Borgarsögusafns Reykjavíkur og Listasafns Reykjavíkur skv. safnalögum nr. 141/2011, myndlistarlögum nr. 64/2012, lögum um menningarminjar nr. 80/2012 og lögum um verndarsvæði í byggð nr. 87/2015.

Ágreiningi um hvort tiltekið erindi heyri undir ráðið ber að vísa til borgarráðs.

4. gr.

Menningar-, íþrótt- og tómstundaráð skal ávallt í störfum sínum fylgja öllum stefnumarkandi og almennum samþykktum borgarstjórnar og borgarráðs.

Skipan

5. gr.

Menningar-, íþrótt- og tómstundaráð er skipað 7 fulltrúum kjörnum af borgarstjórn og jafnmörgum til vara. Borgarstjórn kýs formann og skal hann vera borgarfulltrúi. Ráðið kýs sér varaformann og skiptir að öðru leyti með sér verkum. Kjörtímabil ráðsins er hið sama og borgarstjórnar.

Menningar-, íþrótt- og tómstundaráð getur í sérstökum tilfellum skipað undirnefndir, stýri- eða starfshópa til að fjalla um afmarkaða málaflokka eða verkefni í samræmi við reglur

Reykjavíkurborgar um starfs- og stýrihópa. Slíkum nefndum og hópum skal setja erindisbréf þar sem skilgreind eru helstu verkefni og starfinu sett tímamörk. Tilkynna skal um skipan allra undirnefnda, stýri- og starfshópa til borgarráðs.

Verkstjórn og verkaskipting

6. gr.

Formaður menningar-, íþrótt- og tómstundaráðs er í forsvari fyrir það um stefnumótun og ákvarðanir þess, eftir því sem við á, og hefur ásamt öðrum fulltrúum í ráðinu eftirlit með framkvæmd mótaðrar stefnu í málaflokknum. Sviðsstjóri íþrótt- og tómstundasviðs og sviðsstjóri menningar- og ferðamálasviðs bera ábyrgð á framkvæmd ákvarðana ráðsins og rekstri og stjórnarsýslu sviðanna, þ.m.t. að fjármál og starfsmannamál séu innan heimilda og í samræmi við stefnu borgaryfirvalda.

Boðun funda og fundarsköp

7. gr.

Menningar-, íþrótt- og tómstundaráð heldur að jafnaði tvo fundi í mánuði. Formaður getur boðað til aukafunda eftir þörfum. Komi fram ósk þriggja ráðsmanna um fund í ráðinu ber að verða við því. Fella má niður fundi í allt að tvo mánuði að sumarlagi.

Formaður boðar til funda, ákveður dagskrá í samráði við sviðsstjóra íþrótt- og tómstundasviðs og sviðsstjóra menningar- og ferðamálasviðs og stýrir fundum ráðsins. Á dagskrá skulu m.a. tekin mál sem fulltrúar í ráðinu hafa óskað eftir að tekin verði þar fyrir, enda séu þau á verksviði ráðsins. Fundir skulu boðaðir með a.m.k. tveggja sólarhringa fyrirvara, dagskrá skal fylgja fundarboði auk þess sem birta skal hana á opnum vef Reykjavíkurborgar ásamt fundargögnum. Rafræn boðun fundar og útsending fundargagna telst fullgild boðun.

Heimilt er að taka mál til meðferðar í ráðinu þótt ekki sé það tilgreint á útsendri dagskrá, en skylt er þá að fresta afgreiðslu þess til næsta fundar sé þess óskað. Um fundarsköp fer eftir samþykkt um stjórn Reykjavíkurborgar og fundarsköp borgarstjórnar nr. 715/2013 eftir því sem við á.

Sviðsstjórar íþrótt- og tómstundasviðs og menningar- og ferðamálasviðs skulu sitja fundi ráðsins með málfrelsi og tillögurétt. Þá getur ráðið boðað til fundar einstaka starfsmenn Reykjavíkurborgar, sem og aðra þá sem það telur þörf á hverju sinni.

Fundaskipulag og ritun fundargerða

8. gr.

Ráðsfundur skal að jafnaði haldinn fyrir luktum dyrum og er þá óheimilt að greina opinberlega frá ummælum sem fram koma hjá einstökum fundarmönnum. Ráðið skal halda gerðabók og senda eftirrit fundargerða til borgarráðs jafnóðum. Um ritun fundargerða fer eftir leiðbeiningum innanríkisráðuneytisins um ritun fundargerða sveitarstjórna, sbr. 2. mgr. 19. gr. sveitarstjórnarlaga, sbr. 15. gr. samþykktar um stjórn Reykjavíkurborgar og fundarsköp borgarstjórnar og verklagsreglum skrifstofu borgarstjórnar.

Íþróttá- og tómsfundasvið og menningar- og ferðamálasvið sjá um skrifstofuhald fyrir ráðið og leggja því til fundarritara. Í upphafi árs skal kynna fundadagatal ráðsins. Þar komi m.a. fram tímasetning funda til undirbúnings starfs- og fjárhagsáætlunar og yfirferðar ársfjórðungsuppgjöra, ásamt tímasetningu opinna funda og samráðsfunda með hagsmunaaðilum eftir því sem við á.

Samráð

9. gr.

Menningar-, íþróttá- og tómsfundaráð ber ábyrgð á upplýsingamiðlun og samráði við íbúa, félagasamtök og aðra hagsmunaaðila sem tengjast verkefnum ráðsins. Ráðið skal leita umsagna eða annars samráðs þegar við á og efni mála gefur tilefni til. Við undirbúning veigamikillar stefnumörkunar til langs tíma skal leggja fram í ráðinu sérstaka áætlun um hvernig haga á samráði við stefnumótun.

Menningar-, íþróttá- og tómsfundaráð hefur nána samvinnu við félög og aðra sem hafa menningu-, íþróttá- og tómsfundamál á sinni stefnuskrá, mótar stefnu um samstarf við þau og gefur þeim kost á, eftir því sem þurfa þykir, að tilnefna fulltrúa til samstarfs.

Menningar-, íþróttá- og tómsfundaráði ber að halda a.m.k. einn opinn fund á ári og skal dagskrá hans og fyrirkomulag kynnt með góðum fyrirvara m.a. fyrir borgarfulltrúum, helstu samstarfsaðilum, félögum og samtökum sem starfa að menningar-, íþróttá- og tómsfundamálum í borginni.

Fjármál

10. gr.

Menningar-, íþróttá- og tómsfundaráð fær fjárhagsramma vegna verkefna sem undir það heyra og felur sviðsstjórum íþróttá- og tómsfundasviðs og menningar- og ferðamálasviðs að vinna starfsáætlun og tillögur í frumvarp að fjárhagsáætlun í samræmi við stefnumótun og forgangsroðun ráðsins.

Ráðið afgreiðir starfsáætlun og hefur eftirlit með að tillögur í frumvarpi að fjárhagsáætlun séu í samræmi við starfsáætlun og mótaða stefnu.

Tillögur um breytingar á rekstrinum sem leiða til breytinga á gjaldskrá eða þjónustu skal sérstaklega skýra og rökstyðja. Formaður ráðsins og sviðsstjórar kynna borgarráði starfsáætlun og tillögur í frumvarpi að fjárhagsáætlun.

Ráðningar

11. gr.

Borgarráð ræður sviðsstjóra íþróttá- og tómsfundasviðs og menningar- og ferðamálasviðs, að fenginni tillögu borgarstjóra, til fimm ára í senn. Sviðsstjórar ráða í aðrar stjórnunarstöður á sviðunum. Forstöðumenn ráða aðra starfsmenn á starfsstaði íþróttá- og tómsfundasviðs og menningar- og ferðamálasviðs.

Málsmeðferð

12. gr.

Við undirbúning mála og stjórnvaldsákvörðanir skal þess gætt að farið sé að stjórnslulögum og verklagsreglum um stjórnsýsluna.

Óski aðili frekari rökstuðnings eða beri hann fram kvörtun vegna afgreiðslu menningar-, íþrótt- og tómstundaráðs skal honum leiðbeint um réttarstöðu sína, m.a. um heimild til að óska endurupptöku stjórnvaldsákvörðunar í borgarráði með hliðsjón af 24. gr. stjórnsýslulaga nr. 37/1993. Telji borgarráð að skilyrði endurupptöku séu fyrir hendi skal menningar-, íþrótt- og tómstundaráð taka málið upp að nýju.

Um hæfi kjörinna fulltrúa og starfsmanna vísast í samþykkt um stjórn Reykjavíkurborgar og fundarsköp borgarstjórnar nr. 715/2013 með síðari breytingum.

Samþykkt þessi tekur þegar gildi og fellur þá jafnframt úr gildi samþykkt fyrir íþrótt- og tómstundaráð frá 20. september 2011 og menningar- og ferðamálaráð frá 7. júní 2016.

Samþykkt í borgarstjórn

6. nóvember 2018